

Kenono ibben Rinañinmij ro Am kin Nañinmijin Tuberculosis (TB) eo Ejab Kabobo

Juon Melele in Kajinet ñan Bwebwenato ñan Taktō ro

Nañinmijin Tuberculosis (TB) ej juon nañinmij eo aurok jemaron bōbrae jene ilo Amedka. Emōj katmane ewōr lok ñan 13 milien armij ilo Amedka emaron wōr TB eo ejab kabobo ibbeir (jet ien jej bar nae etan TB eo ejab kabobo). Kinke nañinmijin TB eo ejab kabobo emaron erom ñaninmijin TB eo ekabobo, rinañinmij ro remaron lukkun doolol im jab jelā aer kaajeeded TB ñan ro jet, ekoba ñan ro nukkier, mōttaer, im rijerbal ro ilo jikin ejmour.

Teej im kōmadmōd nañinmijin TB eo ejab kabobo ej juon buñten eo aurok ñan jolok nañinmijin TB ilo Amedka im kejbarok armij ro ilo jukjukinbed eo am. Einwōt ke kwe eo rejelā ejimwe melele ko ibben kin ejmour ilo jukjukinbed eo am, aurok am jinoe juon bwebwenato kin nañinmijin TB eo ejab kabobo im nañinmijin TBeo ekabobo ibben rinañinmij ro am kinke emaron jabwe melele ko ibbeir kin ak bwebwenato ko rejab mool kin nañinmij kein.

Eñin ej 4 melele in jibañ ko ñan am jino bwebwenato:

1

Kwalok Melele in TB im Lelok Tibdikin Melele ko kin Nañinmijin TB eo Ejab Kabobo im Nañinmijin TB eo Ekabobo



Aurok am lelok melele ñan rinañinmij ro am kin nañinmijin TB eo ejab kabobo im nañinmijin TB kinke eloñ armij ro remaron jab jelā kake ak emaron wōr jet lomnak ko rebōd ibbeir kin nañinmij kein. Eñin ej jet melele ko rejimwe im mokaj kwōmaron kwalok:

Eloñ armij ro ewōr aer TB ilo aoleb state; jikin ko jej jermal, jikin ko jej jokwe, jikin ko jej jikuul, im jikin ko jej bed ibben armij ro nukkud im mōttad.

Nañinmijin TB eo Ejab Kabobo ej juon nañinmij im armij eo enañinmij kin kij in TB bōtab ejellok an nañinmijin TB eo ekabobo ilo ien in. Armij ro ewōr aer nañinmijin TB eo ejab kabobo ejellok aer kakōlle im kakōlkōl kin nañinmijin TB im rebañ kajeeded kij in TB eo ñan ro jet. Bōtab, elañe kij eo enaj erom an kabobo im loñlok, **nañinmijin TB eo ejab kaboboo emaron erom nañinmijin TB.** Ilo ien eo enaj kabobo, TB emaron ajeeded jen armij ñan armij ilo mejatoto.

Nañinmijin TB eo ejab kabobo remaron lelok wūno in kōmadmōd ñan bōbrae jen nañinmijin TB. Bōtab, ñe rejab bōk wūno in kōmadmōd, emaron erom nañinmijin TB eo ekabobo im emaron kōmman an armij mij im emaron ajeeded ñan ro jet, ekoba armij ro mōttam im nukkum.

2

Kenono kin Uwōta ko an Rinañinmij eo



TB ej nañinmij eo elabtata an kōmman mij ibelakin lal in, im elab an loñ armij rej wōt eñtan jen TB ilo Amedka. Eloñ uwōta ko ñan TB innem aurok am kenono ibben rinañinmij ro am kin uwōta ko ñan er. Eñin ej jet naan ko remaron lewaj jibañ ilo am kenono:


Jen kenono kin uwōta ko am ekkar ñan jikin ko ibelakin lal in im ekkā an wōr TB. TB ekkā ibelakin lal in, bōtab ñe kwar lotak ak ekut am ito tak ñan aelon ko ilo Asia, Africa, ak Latin America, elablok am maron bōk nañinmijin TB. Mennin ebar mool ñe kwar jokwe ilo Amedka iomwin ien aitōk kinke elablok an ekkā nañinmijin ilo aelon kein. Emaron wōr uwōta ñan am bōk TB jekdoñ ñe kwar bōk wā eo an TB (einwōt ad bar jelā ej wā eo an BCG), kinke ej kein bōbrae eo an ej mojnolok iomwin ien.

Jen kenono kin am kebaak armij ro elablok uwōta ñan aer bōk nañinmijin. Elablok uwōta ñan am bōk TB elañe kwōjberbal jermal ilo, jokwe ilo tōrre in, ak kwar jokwe ilo jikin ko elab kumi in armij ro rej jokwe ibben doon im elablok an ekkā an wōr TB, einwōt imōn kiki ko an ro ejellok imōn aer jokwe, imōn kalbuj ko, ak elañe kwar bed iturin juon armij eo ewōr an nañinmijin TB eo ekabobo.

Jen lomnak kin nañinmij ko jet emaron wōr ibbam. Nañinmij ko, elabtata kain eo emaron kamojno an enwbinnim maron bōbrae jen nañinmij einwōt tōñal, cancer, ak HIV, emaron kōlablok am maron bōk nañinmijin TB elañe emōj am bōk nañinmij eo.

3

Kōmelele kin Madmōdin Teej eo



Rinañinmij remaron jab jelā kin teej eo ñan nañinmijin TB eo ejab kabobo innem enaj jibañ am lelok tibdikin melele ko kin madmōdin. Eñin ej jet naan ko remaron jibañ kwe:

Ewōr ruo kain teej ko ñan nañinmijin TB eo ejab kabobo: teej in TB ilo bōtōktōk im teej in TB ilo kil.

Emmonlok ibba teej eo ilo bōtōktōk bwe emaron kōmman ilo juon wōt ien, im elabtata an jejjet jemlok eo elañe emōj am kar bōke wā eo an TB ilo tōrre ko moktalok.

Alikin am teej im bōke jemlokin teej ko am, jen kenono kin buñten ko jet kwōmaron kōmmani.

- Ñe kwar loe juon jemlok eo ej kwalok ewōr nañinmij eo ibbam, inaj rōjañ am bōke teej ko jet ekoba juon etale in ejmour in enbwinnim, pija x-ray in ubom, im madmōd ko jet rej kōmman ilo jikin kakōlkōl eo elañe kij in TB eo ekabobo ak ej kōmman am nañinmij.
- Ñe kwar loe juon jemlok ej kwalok ejellok nañinmij eo ibbam im jenaj loe ke ejellok nañinmijin TB eo ekabobo, emaron ejellok am nañinmijin TB eo ejab kabobo im ejellok buñten ko jet kwōnaj aikuj kōmmani kiō. Bōtab, jenaj kenono kin elañe kwōnaj aikuj bar teej ilo raan ko jeklaj.

4

Kenono kin Wūno in Kōmadmōd ko Kwōmaron Bōki

Ñe teej eo an rinañinmij eo am enaj kwalok ewōr nañinmijin TB eo ejab kabobo ibben, aurok am rōjañ



bwe en bōk wūno in kōmadmōd ko ekadulok ien an bōki im ebidodo am maron bōki. Ilo an aoleb wūno in kōmadmōd ko ejellok uwōta in bōki im ejejjet aer jerbal, ekadulok ien bōki, wūno in kōmadmōd ko an rifamycin emmonlok bōki ñan nañinmijin TB eo ejab kabobo kinke elablok joñan an rinañinmij kadedelok aer bōki.

Armij remaron jab bukōt aer lolak taktō kin melele ko rebōd ak melele ko rejab mool rej kobalok ibben nañinmijin innem aurok am jibañ bwe ren kadedelok aoleben wūno in kōmadmōd eo. Lomnak kin melele ko laajrak ilo ien am kenono kin wūno in kōmadmōd ko ibben rinañinmij ro am:

Jekdoñ ejellok am kakōlkōl kin nañinmijin TB eo ejab kabobo, kwōmaron bōk nañinmijin TB eo ekabobo, im emaron kaajeeded TB jen juon armij ñan bar juon, kōmman am nañinmij, im emaron bar kōmman mij elañe kwōjab bōke wūno in kōmadmōd eo.

Aurok am kadedelok wūno in kōmadmōd eo am ñan bōbrae jen nañinmijin TB eo ekabobo.

Kwōmaron kar roñ kin an juon armij bōk wūno in kōmadmōd TB iomwin ien aitōk ilo kar tōrre ko moktalok, bōtab ewōr wūno in kōmadmōd ko kiō ekadu ien im ebidodo bōki.

Jen kenono kin wūno in kōmadmōd ko kwōmaron bōki, jabdewōt abañ ko remaron walok im remaron kakkure bebe in kōmadmōd eo am, im mennin jibañ ko ilo jukjukinbed eo remaron jibañ kwe. Jet kajitōk ko ekkā an rinañinmij lelok kin wūno in kōmadmōd ko ewōr ekoba:

- Ta jibañ ko ilo aō bōk wūno in kōmadmōd ñan nañinmijin TB eo ejab kabobo?
- Ekkar ñan wāween aō mour im melele ko maanlok kin nañinmij ko aō make, ta wūno in kōmadmōd eo kwōj rōjañ aō bōke?
- Ewi joñan ikut in aō aikuj bōke wūno in? Im ewi toon aō aikuj bōke?
- Ta kōmelele ko ñan bōke wūno in?
- Ta abnōnō ko remaron walok jen ad bōke wūno in?
- Jete wonnen wūno in? Injuran eo aō enaj ke kolla wonnen wūno in kōmadmōd eo?

Ilo an juon jab bōk wūno in kōmadmōd eo, 1 jen 10 armij ro ewōr aer nañinmijin TB eo ejab kabobo renaj nañinmij ilo jeklaj. Elab ijo kwōnaam ñan kadiklok an ajeeded TB ilo jukjukinbed eo am im ilo Amedka.



Nan am bōk melele ko relablok kin TB im wāween am maron kejbarok kwe make im ro jet, lale www.cdc.gov/thinktesttreattb